

修訂日期: 2004/10/21 發行日期: 2006/2/15

發行單位: 中華電子佛典協會 (CBETA) <http://www.cbeta.org>

資料底本: 大正新脩大正藏經 Vol. 20, No. 1135

原始資料: 蕭鎮國大德提供, 北美某大德提供

No. 1135

佛說一切如來金剛壽命陀羅尼經

開府儀同三司特進試鴻臚卿肅國公食邑三千戶賜紫贈司空謚大鑑正號大廣智
大興善寺三藏沙門不空奉 詔譯

如是我聞。一時佛在菟伽河側。與諸比丘及大菩薩無量天人大眾俱。爾時世尊告毘沙門等四天王言。有四種法甚可怖畏。若男若女童男童女。一切有情無能免者。所謂生老病死。於中一法最為遍惱。難可對治。所謂死怖。我愍是故說對治法。爾時四天王白佛言。世尊我於今日為獲大利。唯願世尊為眾生故宣說是法。爾時世尊面向東方。彈指召集一切如來。作是誓言。所有十方一切如來應正等覺。為眾生故。證菩提者咸皆助我。令我以一切如來威神力故。悉令一切眾生轉非命業。使增壽命。我昔未為眾生轉此法輪。於今方轉。能令眾生壽命色力皆得成就無夭死怖。如是南西北方四維上下。召集驚告亦復如是。爾時十方盡佛眼所到。若干世界一切如來皆悉赴集。遍滿虛空數如微塵。爾時一切諸佛為加持故。異口同音。即說一切如來金剛壽命陀羅尼曰。

怛脛他(一)者犁(二)者攞者犁(三)彌娜知薩嚩(二合)薩底(二合)稽(四)斫訖浪(二合)藥南(五)鉢囉(二合)舍滿都薩婆路誑(六)

薩婆薩怛嚩(二合)南(七)阿娜[齒*束](八)俱娜[齒*來](九)遮[口*(隸-木+士)]遮[口*(隸-木+士)](十)

係麼澆(牛矯反)

哩(十一)係麼儻鎗尼(十二)係麼尸棄(十三)矯囉微(十四)矯囉迷(十五)係俱囉微(十六)信囉[口*犁](十七)俱麼底(十八)微捨麼拏(十九)戌戌毘嚩(二十)阿者犁(二十一)彌者犁(二十二)麼尾覽麼(二十三)戶毛戶毛(二十四)唵(二十五)

麼折囉諭師(某甲二十六)薩嚩訶

爾時十方佛所。一切執金剛菩薩異口同音亦說延命陀羅尼曰。

吽(引)

吽(引)尸棄薩嚩(二合引)訶(引)

如是一切如來及十方執金剛菩薩。說是陀羅尼已隱而不現。

爾時毘沙門天王白佛言。我亦以佛神力。為一切眾生加持護念。除非命故說陀羅尼。

始尾(二合下同)帝(一)始尾怛犁(二)栗利

爾時毘樓勒叉天王又白佛言。我亦以佛神力。為多眾生除夭命故。說陀囉尼。

摩登覓(一)

摩登擬尼(二)

輸麼輸麼謀(三)

爾時提頭賴吒天王亦白佛言。我亦為諸眾生。除死怖故說陀囉尼。

者[口*禮]者[口*禮](一)者囉[口*犁]

爾時毘樓博叉天王亦白佛言。我亦以佛神力故。令一切眾生除非命故說陀囉尼。

未臨(一)麼麼麼

佛告四天王言。若有讀誦此經。日日受持乃至一遍。當敬彼善男子善女人。應如佛想終不墮三惡道定增壽命。若人每日。為一切眾生轉讀此經。終無夭死短命之怖。亦無惡夢魘魅呪。咀惡形羅刹鬼神之怖。亦不為水火兵毒之所傷害。一切諸佛菩薩攝受護念其處。亦為佛所護持。爾時世尊說是經已。毘沙門天王等一切大眾。皆大歡喜信受奉行。

佛說一切如來金剛壽命陀囉尼經